

Қазақстан Республикасы Президентінің 2015 жылғы 29 желтоқсандағы № 155 Жарлығы

"Сыбайлас жемкорлыққа қарсы іс-қимыл туралы" 2015 жылғы 18 қарашадағы Қазақстан Республикасының Заңы 8-бабының [2-тармағына](#) сәйкес **ҚАУЛЫ ЕТЕМІН:**

1. Қоса беріліп отырған Сыбайлас жемкорлық тәуекелдеріне сыртқы талдау жүргізу [қағидалары](#) бекітілсін.

2. Осы Жарлық 2016 жылғы 1 қаңтардан бастап қолданысқа енгізіледі және ресми жариялануға тиіс.

Қазақстан Республикасының

Президенті

Н.НАЗАРБАЕВ

Қазақстан Республикасы  
Президентінің  
2015 жылғы 29 желтоқсандағы  
№ 155 Жарлығымен  
бекітілген

## **Сыбайлас жемкорлық тәуекелдеріне сыртқы талдау жүргізу қағидалары**

### **1. Жалпы ережелер**

1. Сыбайлас жемкорлық тәуекелдеріне сыртқы талдау жүргізудің осы қағидалары (бұдан әрі – Қағидалар) "Сыбайлас жемкорлыққа қарсы іс-қимыл туралы" Қазақстан Республикасы Заңы 8-бабының [2-тармағына](#) сәйкес, арнаулы мемлекеттік органдарды қоспағанда, мемлекеттік органдар мен ұйымдардың, квазимемлекеттік субъектілердің (бұдан әрі – сыбайлас жемкорлық тәуекелдеріне сыртқы талдаудың объектілері) қызметіндегі сыбайлас жемкорлық тәуекелдеріне сыртқы талдау жүргізу тәртібін айқындайды.

2. Осы Қағидалар мына салалардағы қатынастарға:

1) прокуратура жүйеге асыратын жоғары қадағалауға;

2) қылмыстық істер бойынша сотқа дейінгі іс жүргізуге;

- 3) әкімшілік құқық бұзушылықтар туралы істер бойынша іс жүргізуге;
- 4) сот төрелігіне;
- 5) жедел-іздістіру қызметіне;
- 6) қылмыстық-атқару қызметіне;
- 7) Қазақстан Республикасының мемлекеттік құпиялар туралы заңнамасы талаптарының сақталуын бақылауға қолданылмайды.

## **2. Сыбайлас жемкорлық тәуекелдеріне сыртқы талдау жүргізу**

3. Сыбайлас жемкорлыққа қарсы іс-қимыл жөніндегі уәкілетті органның (бұдан әрі – уәкілетті орган) және сыбайлас жемкорлық тәуекелдеріне сыртқы талдау жүргізу объектісінің бірінші басшыларының, олар болмаған жағдайда олардың міндеттерін атқаратын немесе олардың лауазымдарын алмастыратын адамдардың бірлескен шешімі (бұдан әрі – бірлескен шешім) сыбайлас жемкорлық тәуекелдеріне сыртқы талдау жүргізу негіздемесі болып табылады.

4. Бірлескен шешім мыналардың:

1) Қазақстан Республикасының Президенті, Қазақстан Республикасының Премьер-Министрі, Қазақстан Республикасының Президенті Әкімшілігі тапсырмаларының, Қазақстан Республикасы Президентінің жанындағы консультативтік-көмекші органдар шешімдері мен ұсынымдарының;

2) сыбайлас жемкорлыққа қарсы мониторинг, оның ішінде жеке және заңды тұлғалардың отініштерін зерделеу нәтижелерінің;

3) сыбайлас жемкорлық тәуекелдеріне сыртқы талдау объектісінің бастамашылық отінішінің және оны откізу туралы уәкілетті органның шешімі негізінде қабылданады.

5. Сыбайлас жемкорлық тәуекелдеріне сыртқы талдауды 30 жұмыс күнінен аспайтын мерзімде, бірлескен шешіммен құрылатын жұмыс тобы жүргізеді.

6. Сыбайлас жемкорлық тәуекелдеріне сыртқы талдау жүргізу озіне мынадай кезендерді:

1) осы Қағидалардың [8-тармағында](#) козделген бағыттарға сәйкес сыбайлас жемкорлық тәуекелдеріне сыртқы талдау объектісіне катысты ақпаратты жинауды, қорытуды және талдауды;

2) осы Қағидалардың [11-тармағына](#) сәйкес талдау анықтамасын жасауды қамтиды.

7. Уәкілетті орган сыбайлас жемкорлық тәуекелдеріне сыртқы талдау жүргізуге сыбайлас жемкорлыққа қарсы іс-қимылдың озге де субъектілерінің мамандарын және (немесе) сарапшыларын тартуға құқылы.

8. Сыбайлас жемкорлық тәуекелдерін сыртқы талдау мынадай бағыттар бойынша жүзеге асырылады:

1) сыбайлас жемкорлық тәуекелдерін сыртқы талдау объектісінің қызметін қозғайтын нормативтік құқықтық актілердегі сыбайлас жемкорлық тәуекелдерін анықтау;

2) сыбайлас жемкорлық тәуекелдерін сыртқы талдау объектісінің ұйымдастырушылық-басқарушылық қызметінде сыбайлас жемкорлық тәуекелдерін анықтау.

9. Осы Кағидаларға сәйкес сыбайлас жемкорлық тәуекелдерін сыртқы талдау объектісінің ұйымдастырушылық-басқарушылық қызметі деп мынадай мәселелер түсініледі:

1) персоналды басқару, соның ішінде кадрлардың ауысуы;

2) мүдделер қақтығысын реттеу;

3) мемлекеттік қызметтер қорсету;

4) рұқсат беру функцияларын орындау;

5) бақылау-қадағалау функцияларын іске асыру;

6) сыбайлас жемкорлық тәуекелдерін сыртқы талдау объектісінің ұйымдастырушылық-басқарушылық қызметінен туындайтын өзге де мәселелер.

10. Сыбайлас жемкорлық тәуекелдеріне сыртқы талдау жүргізудің ақпарат көздері мыналар болып табылады:

1) сыбайлас жемкорлық тәуекелдерін сыртқы талдау объектісінің қызметін қозғайтын нормативтік-құқықтық актілер;

2) сыбайлас жемкорлық тәуекелдерін сыртқы талдаудың объектісі ұсынатын оның бағыттары бойынша мәліметтер;

3) сыбайлас жемкорлық тәуекелдерін сыртқы талдаудың бағыттарына сәйкес Қазақстан Республикасының заңнамасында белгіленген тәртіпте мемлекеттік және құқық қорғау органдарының ақпарат жүйелерінен алынған деректер;

4) сыбайлас жемкорлық тәуекелдерін сыртқы талдаудың объектісіне қатысты мемлекеттік органдардың бұрын жүргізген тексеру нәтижелері;

5) сыбайлас жемкорлық тәуекелдерін сыртқы талдаудың бағыттарына сәйкес сыбайлас жемкорлыққа қарсы мониторинг нәтижелері;

6) бұқаралық ақпарат құралдарындағы жарияланымдар;

7) сыбайлас жемкорлық тәуекелдерін сыртқы талдаудың объектісіне қатысты жеке және заңды тұлғалардың отініштері;

8) сыбайлас жемкорлық тәуекелдерін сыртқы талдау объектісінің лауазымды адамдарының сыбайлас жемкорлық құқық бұзушылығын анықтау және оны жасағаны үшін жауаптылыққа тарту туралы мәліметтер;

9) Қазақстан Республикасының заңнамасымен тыйым салынбаған өзге де мәліметтер.

### **3. Сыртқы сыбайлас жемкорлық тәуекелдерін талдаудың қорытындылары**

11. Сыбайлас жемкорлық тәуекелдерін сыртқы талдау нәтижелері бойынша:

1) анықталған сыбайлас жемкорлық тәуекелдері туралы ақпаратты;

2) анықталған сыбайлас жемкорлық тәуекелдерін жою бойынша ұсынымдарды қамтитын талдамалық анықтама әзірленеді.

12. Талдамалық анықтама жұмыс тобының мүшелерімен келісіледі және бірлескен шешіммен белгіленген уәкілетті органның және сыбайлас жемкорлық тәуекелдерін сыртқы талдау объектісінің лауазымды адамдары қол қояды.

13. Талдамалық анықтама уәкілетті органға және сыбайлас жемкорлық тәуекелдерін сыртқы талдау объектілеріне бір данадан әзірленеді және сыбайлас жемкорлық тәуекелдерін сыртқы талдау аяқталғаннан кейін үш жұмыс күні ішінде олардың бірінші басшыларына ұсынылады.

14. Уәкілетті орган сыбайлас жемкорлық тәуекелдерін сыртқы талдау нәтижелері бойынша анықтамаға қол қойылған күннен бастап алты ай ішінде сыбайлас жемкорлық тәуекелдерін сыртқы талдау объектілерінің сыбайлас жемкорлық тәуекелдерін сыртқы талдау нәтижелері бойынша шығарылған, сыбайлас жемкорлық құқық бұзушылықтарды жасауға ықпал ететін себептер мен жағдайларды жою бойынша ұсынымдарды орындауына мониторинг жүргізеді.

15. Сыбайлас жемкорлық тәуекелдерін сыртқы талдау нәтижелері анықтамаға қол қойылған күннен бастап он жұмыс күні ішінде оны жүргізудің негізіне қарай:

1) Қазақстан Республикасы Президентінің, Қазақстан Республикасы Премьер-Министрінің, Қазақстан Республикасы Президенті Әкімшілігінің, Қазақстан Республикасы Президентінің жанындағы консультативтік-келесші органдардың қарауына беріледі;

2) уәкілетті органның интернет-ресурсында орналастырылады және оны жүргізуге отініштері негіз болған жеке және заңды тұлғалардың назарына жеткізіледі.